

**NAŠA
STRANKA**

Politička organizacija građana „Naša stranka“
Općinski odbor Velika Kladuša
Adresa: Sulejmana Topića bb, Velika Kladuša
Telefon: 060 311 66 74
E-mail: info@kladusajenasa.org

Bosna i Hercegovina
Federacija Bosne i Hercegovine
Unsko-sanski kanton
Općina Velika Kladuša
Općinsko vijeće Velika Kladuša
n/r predsjedavajući, Admil Mulalić
načelnik, Fikret Abdić

PREDMET: VIJEĆNIČKO PITANJE

Poštovani_e,

Na osnovu člana 7. Poslovnika Općinskog vijeća Općine Velika Kladuša kojim se propisuje pravo vijećnika da postavlja vijećnička pitanja koje se odnose na rad Općinskog načelnika i službi za upravu u izvršavanju zakona, drugih propisa i općih akata Općinskog vijeća, kao i na rad institucija koje imaju javna ovlaštenja, upućujem sljedeće vijećničko pitanje Općinskom načelniku i tražim pisani odgovor: **Kada ćete postupiti po pravosnažnom rješenju Upravnog inspektora, broj: 07-05-10324-4/19 od 6.12.2019. godine i tako spriječiti dalje nanošenje štete Budžetu Općine Velika Kladuša koja se nanosi svaki mjesec isplata nezakonito uvećanih plaća?**

O B R A Z L O Ź E N J E:

Kantonalni upravni inspektor je svojim Rješenjem, broj: 07-05-10324-4/19 od 6.12.2019. godine naložio Općinskom načelniku da stavi van snage 13 rješenja kojim je Općinski načelnik nezakonito unaprijedio 13 državnih službenika i namještenika i istima tako omogućio nezakonita uvećanja ličnog dohotka.

Protiv ovog Rješenja Općinski načelnik je s ciljem odugovlačenja i zadržavanja nezakonitog stanja podnio žalbu Ministarstvu pravosuđa i uprave USK koju je navedeno ministarstvo kao neosnovanu odbilo svojim Rješenjem broj: 07-05-10324-16/19 od 6.3.2020. godine.

Kako bi se nezakonito stanje prolongiralo, a službenici i namještenici koji su nezakonito primali uvećane plaće nastavili sa primanjem takvih plaća, Općinski načelnik je protiv navedenog akta Ministarstva podnio tužbu Kantonalnom sudu u Bihaću.

Obzirom da je Kantonalni sud svojom presudom broj: 01 0 U 015824 20 U od 4.3.2021. godine odbio tužbu Općinskog načelnika Rješenje Kantonalnog upravnog inspektora je postalo pravosnažno, pa je shodno tome Općinski načelnik dužan odmah postupiti po tom rješenju i 13 nezakonitih rješenja staviti van snage. Na ovaj način bi se spriječilo zadržavanje nezakonitog stanja i dalje činjenje štete Budžetu koje traje od 2019. godine.

Stoga, tražimo odgovor kada će Općinski načelnik postupiti po Rješenju Kantonalnog upravnog inspektora i time spriječiti dalje činjenje štete Budžetu Općine Velika Kladuša.

Ime i prezime: Amir Purić
Klub vijećnika Naše stranke

Velika Kladuša, 31.03.2021.